



Broj:01/5-02-1068-1/22
Sarajevo, 27.06.2022. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 25-07-2022			
Org. jed.	Broj	Priloga	Vrijednost

**PREDSTAVNIČKOM DOMU
PARLAMENTA FEDERACIJE BIH**

Komisije za sigurnost Predstavničkog doma Parlamenta Federacije Bosne i Hercegovine (u daljem tekstu: Komisija) održala je 16. sjednicu 27.06.2022. godine. Sjednici Komisije prisustvovao je dovoljan broj članova Komisije, tako da su ispunjeni uslovi za punovažan rad u pogledu kvoruma i odlučivanja.

Prema jednoglasno utvrđenom dnevnom redu Komisija je razmatrala:

1. Usvajanje zapisnika sa 15. sjednice Komisije za sigurnost Predstavničkog doma Parlamenta FBiH,
2. Sigurnosne prijetnje vezane za izborni proces,
3. Dopis Federalnog ministarstva unutrašnjih poslova -Sindikata službenika,
4. Dopis Sindikalne organizacije sudske policije FBiH,
5. Tekuća pitanja.

Sjednici Komisije su prisustvovali: Ensad Korman, vršilac dužnosti direktora FUP-a i Jakuf Subašić, predstavnik Centralne izborne komisije BiH.

Na osnovu člana 44. stav 2., a u vezi sa članom 61. Poslovnika Predstavničkog doma Parlamenta Federacije BiH, Komisija podnosi sljedeći:

IZVJEŠTAJ

Ad-1

Usvajanje zapisnika sa 15. sjednice Komisije za sigurnost PD Parlamenta Federacije BiH

Zapisnik sa 15. sjednice Komisije je jednoglasno usvojen.



Ad-2

Sigurnosne prijetnje vezane za izborni proces

Član Komisije Irfan Čengić je izložio medijske izjave predsjednika Centralne izborne komisije BiH Suada Arnautovića i najave Zamjenika generalnog sekretara NATO-a Mircea Geoana koji upozorava da bi Rusija mogla pokušati napasti ključnu digitalnu infrastrukturu BiH i uskoro mogla postati meta Rusiji, a da napad može biti u obliku masovnog cyber napada.

Na osnovu usmenog islaganja i obavljenog razgovora sa predstavnikom Centralne izborne komisije BiH i vršiocem dužnosti direktora Federalne uprave policije, te diskusije svih prisutnih članova Komisije, Komisija za sigurnost usvojila je sljedeći:

ZAKLJUČAK

Komisija za sigurnost Predstavničkog doma Parlamenta Federacije BiH podržava rad Centralne izborne komisije BiH i poduzete aktivnosti u koordinaciji sa sigurnosnim agencijama BiH.

Ad-3 i Ad-4 Ove tačke dnevnog reda zajedno su razmatrane.

Komisija za sigurnost nakon obavljene diskusije po navedenim tačkama, s obzirom da Komisija nema nadležnost, usvojila je sljedeći:

ZAKLJUČAK

Komisija za sigurnost Predstavničkog doma Parlamenta Federacije BiH uputit će Vladi FBiH dopise Federalnog ministarstva unutrašnjih poslova -Sindikata službenika i Sindikalne organizacije sudske policije FBiH, na dalje postupanje.

Ad-5

Tekuća pitanja

Komisija je nakon sveobuhvatne diskusije svih prisutnih članova, a na prijedlog člana Komisije Salke Zildžića jednoglasno usvojila sljedeći zaključak:



ZAKLJUČAK

Komisija za sigurnost Predstavničkog doma Parlamenta Federacije BiH traži od Federalnog ministarstva unutrašnjih poslova Informaciju o slučaju postavljanja uređaja za praćenje ispod službenog automobila Federalnog ministra energije, rudarstva i industrije, te suspenziji direktora Policijske akademije Federalnog ministarstva unutrašnjih poslova.

U skladu sa članom 53. Poslovnika Predstavničkog doma za izvjestitelja je određen Damir Mašić, predsjednik Komisije.

PREDSJEDNIK KOMISIJE
Damir Mašić s.r